

Von Procession XXV

Volgt was man am

tag Corporis Christi gethan
habe.

Auff den drentzehenden

tag des vergangnen Monats Junij/ welcher ist gewesen den tag Corporis Christi/ umb sibem vhr vor mittentag/ ist die Kay: May: samb dem hochgedachten Fürsten in Bayren/ auch irer Rô: Kay: May: geliebsten Sônen/ Fürst: Durch: Erzhertzog Ferdinandten/ vnd Carlen/ in die Thumbkhirch zu Sanct Steffan geritten/ vnd als der Gottes dienst aller dings vollendet gewesen/ ist hochgedachte Rô: Kayser: May: sambt hochgenanten Fürsten/ Herrn Botschafften/ vnd Hofgesindt mit ganger Clerisey in irer ordnung sambt der gemeinen priesterschafft/ in iren Pontificalien vnd ornamentea in der Procession drey mal in der Khirchen umbgangen von wegen des regens/ vnd die andern handtwerckleuth/ sein nach irer alten ordnung/ in der Statt vnd auff die gassen gezogen wie hernach volgt.

Volgt wie die Burger

zu Wienn in der Procession gangen
sein.

Demlich am ersten vnder

der Burger schafft/ ist in der Procession erschinen der zimerleut zech oder zunft/ welche vorher ein vberaus grosse vnd lange fherzen truegen/ welches doch zuerwundern ist/ das khain hausz in der gangen hochberuembten Statt Wienn ist/ das ire höhe möcht
H erlangen

Von Procession

erlangen gemacht von Holzberg, vnd umbwunden mit warlich-
tern ungeuer auff achzehen klabfter lang, ja so groß vnd vn-
brauchsam zutragen/das mer dann sechzehen oder zweingig per-
sonen haben helfen muessen dieselb one schaden zugweltigen, dar-
nach folgten in ordnung die andern zehen/als die R hempmacher/
Schlosser/deren ein jeder insonderhait Mayster vnd gesellen ein
feder auff dem huet oder paredt in der Procession tragen mues/
hieig Maurer, Huetter, Wollschlager, Rholter, Keffler, Vasz-
zieher, Hafner, Ziegler, Hauer aus der Laimgrueben, Zeppler/
Thuechscherer, Drexler, Tischler, Bader, Sayller, Hauer vorm
schottenthor, Beittler, Handtschuechmacher, Porttenwürckher/
Taschner, Zingieffer, Weißzeiber, Ledrer, Sattler, Messerer/
Schwerfeger, Bintter, Ferber, Vischer, Obstler, Schuester/
Schmidt, Bogner, Barchentweber, Maller, Stainmeyß, Sälz-
ler, Legelter, Mellmesser, Müllner, Böckhē, Schneider, Fleisch-
hacker, Leinbatterh, Kramer, R hürschner, vñ Golttschmidt, ein zech
in die ander zurechnen in grosser anzahl, vnd trueg man jeder inn
sonderhait, vor vnd nach einer jeden zech, fannen/darnach folgten
etlich spilleut von allerlay sort vnd art so man erdencken mag
(das zuuerwundern gewesen wo man sie alle hat bekumen vnd
aufftreiben khönen) ausgenommen Trumelschlager, Nach den
spilleuten trueg man in ainer jeden zech ein heyligen pidnuß, ein
zech dises die andern aines andern, auff disen folgten die Bur-
ger derselben zech oder zunfft, also nacheinander fort an.

Nach disen allem, ist hochgedachte R: Kay: May: wider
haimb geritten, vnd das mittagmal in der grossen taffel stuben ein-
genommen, vnd zu thisch gelessen wie du hernach in diser
nachuoluogender figur sehen
wirst.

Das du